

vnd vierzigste Minuten gemeldtes Zeichens / gut propffen / pflanzen vnd heurathen / aber nicht gut vber Wasser reysen. In der dreyzehenden / so sich von dannen bis in den sechsten Grad / vnd fünff vnd dreyssigsten Minuten der Wagen erstreckt / seynd alle Ding gut / die in der zwölfften vermeldet / beneben sich vmb grosser Herren Gunst vnd Begnadigung bewerben / aber nicht gut reysen. In der vierzehenden / so bis auff den neunzehenden Grad wehret / vnd sechs vnd zwanzigsten Minuten / gut Arzneyen / seen / pflanzen / Wittweiber nehmen / aber hüte dich für reysen. In der fünffzehenden / die von dannen sich erstreckt bis in den zwayten Grad / vnd siebenzehenden Minuten des Scorpions / gut Brunnen machen / dieselbige außfegen / allerhand Gräben machen / Keller graben / aber nicht gut reysen. In der sechszehenden / welche wehret bis in den fünffzehende Grad / neun Minuten / gemeldtes Zeichens / nicht gut reysen / einige Contracten oder Pacta machen / schwarze Kleyder anziehē / vñ arzneyen. In der siebenzehenden / welche in den acht vnd zwanzigsten Grad wehret / gut Bestungen bauen / Häuser bauen oder kauffen / Empter bestellen vnd antretten. In der achtzehenden / so sich von dannen erstreckt bis in den zehenden Grad / zway vnd fünffzig Minute des Schützen / ist gut alles verrichten / wie in der siebenzehenden vermeldet / außgenommen heurathen vnd reysen / es sene dann zu Wasser. In der neunzehenden / welche gehet bis in den neunzehenden Grad / vnd zway vnd fünffzig Minuten / gemeldtes Zeichens / ist gut zanken / Rechten / kriegen / schlagen / aber nicht gut vber Meer oder vber Flüsse reysen. In der zwanzigsten / so sich von dannen erstreckt / bis in den sechsten Grad / vnd fünff vnd dreyssig Minuten des Steinbocks / ist gut Viehe kauffen / aber nicht gut

jagen / noch Weiber nemmen. In der ein vnd zwanzigsten / welche wehret bis in den neunzehenden Grad / vnd sechs vnd zwanzig Minuten / ist gut bauen / seen / Feldtgüter kauffen / mit Fürsten vnd Herren reden / aber nicht gut mit Heurathen vmbgehen. In der zway vnd zwanzigsten / welche sich von dannen bis in den zwayten Grad / vnd achzehenden Minuten des Wassermanns erstreckt / ist gut reysen / arzneyen / newe Kleyder anziehen. In der drey vnd zwanzigsten / so bis in den fünffzehenden Grad / vnd neunten Minuten wehret / ist gut arzneyen vnd reysen / aber nicht gut deposita zu hinderlegen. In der vier vnd zwanzigsten / welche bis in den acht vnd zwanzigsten Grad gemeldtes Zeichens wehret / ist gut allerhand Kriegshandlungen anfangen / Arzney einnehmen / aber nicht gut reysen / pflanzen vnd propffen. In der fünff vnd zwanzigsten / so sich von dannen bis in den zehenden Grad / vnd zween vnd fünffzigsten Minuten der Fische erstreckt / ist gut Krieg führen / gegen Mittag vnd Decident reysen / vnd bauen. In der sechs vnd zwanzigsten / welche gehet bis in den drey vnd zwanzigsten Grad / vnd drey vnd vierzig Minuten gemeldtes Zeichens / ist gut arzneyen / aber alle andere Geschäfte gefährlich. In der sieben vnd zwanzigsten / welche sich von dannen bis in den sechsten Grad / vnd fünff vnd dreyssigsten Minuten des Widders erstreckt / ist gut seen / contrahieren / Kauff schlagen / Weiber nemmen / aber nicht gut Gelt deponiren oder außleihen. In der acht vnd zwanzigsten / welche gehet bis in den neunzehenden Grad / vnd sechs vnd zwanzigsten Minuten gemeldtes Zeichens / ist alles gut / wie in der vorigen / aber nicht gut vber Wasser reysen.

In solchen mansionibus vnd deroselbigen Urtheylung / must du auch gut Achtung geben /